



2021-1

16. juni 2021

All. nr./notatnr.:
2021-809-0001-12
Sull./sagsbeh.: AG

**Pilerisaarutinik politikkikkut isummanik aqqummiussinermik
imalinnik saqqummiussinerup inerteqqtiginissaanut periar-
fissaqanngilaq**

Oceans North Greenlandip videoliaata "Aalisarnerup siunissaanik qulak-keerinninneq: Qalerallit inuiaqatigiinnut kalaallinut pingaarutaat" KNR-ip innuttaassunut paasissutissiiviani aallakaatinneqarnissaa Oceans North Greenlandip 18. december 2020-mi KNR-imut 18. december 2020-mi isumaqatigiissutigaa

Video aallakaatinneqarsinnaanersoq KNR-ip Ilinniartitaanermut, Kultu-reqarnermut, Timersornermut Ilageeqarnermullu Naalakkersuisoqarfik apeqqtigaa. Naalakkersuisoqarfik tamanna tunngavigalugu aalajangii-voq video, videop politikkikkut isummanik saqqummiussinernik pilerisaarutinut nalunaarummi § 17, imm. 2-mi inerteqquasunik imaqrera pissutigalugu, tv-kkut aallakaatinneqarpat tamanna inatsimmik unoqqutitsinerussasoq.

Aalajangiineq eqqartuussissuserisup Jonas Christoffersenip Oceans North Greenland sinnerlugu Ombudsmandimut naammagittaalliuutigaa, ilaatigullu oqaatigalugu pilerisaarisarneq pillugu nalunaarummi § 17, imm. 2 radio tv-lu pillugit inatsimmik tunngaveqanngitsoq.

Nalunaarutip imarisaa pineqartoq piginnaatitsissutitut aalajangersakkanik nalunaarutit pineqartut aalajangersarneqarnerannut tunuliaqutasunik aammattaaq tunngaveqassaaq. Nalunaarut inatsisip piginnaatitsine-

ranit annertunerusumik atuuuffeqartoq inatsisikkut tunngavimmik amigaateqartarpoq.

Ombudsmandip paasinninna unaavoq radio tv-lu pillugit inatsit imatut paasineqarsinnaanngitsoq, tassalu Naalakkersisut politikkut isummanik pilerisaarutitut saqqummiussinerup inerteqqutigineqarneranik nalunaarutikkut aalajangersaanissaminnut inatsisiliortunit piginnaatinneqarsimasut.

Ombudsmandi tamanna tunngavigalugu isumaqarpoq radio aamma tv pillugit inatsit pilerisaarutit pillugit nalunaarummi § 17, imm. 2-mi politikkut isummanik pilerisaarutitut saqqummiussinissamut inerteqqutip, Naalakkersuisoqarfiup aalajangiinermini tunngavigisaaniittup, aalajangersarnissaanut periarfissiinngitsoq.

(Oqaaseqaat 16. juni 2021-meersoq, j.nr. 2021-809-0001)

Ombudsmandip oqaaseqaataa:

1. Suut misissorpakka?

1.1. Suliamik suliarinninnini Naalakkersuisoqarfiup aalajangiinera 19. februar 2021-meersoq isummerfiginiarlugu aalajangerpunga, tassanngalu er-serpoq Oceans North Greenlandip videoliaa pilerisaarutit pillugit nalunaarumi § 17, imm. 2-mik unioqqutitsisuusoq, taamaattumillu KNR-ip innuttaasunut paasissutissiiviani saqqummiunneqassanngitsoq.

Pilerisaarutit pillugu nalunaarummi § 17, imm. 2-mik aalajangersaanissamut radio tv-lu pillugit inatsimmi inatsisikkut tunngavissaqarnersoq tamanna tunngavigalugu misissorpara.

1.2. Oqaatigaara eqqartuussissuserisup Jonas Christoffersenip naammagit-taalliuutigisaasa sinneri, matumani Oceans North Greenlandip videoliaa poli-

tikkikkut isummanik imaqarnersoq ilanngullugu eqqarsaatigalugu, isummerfiginngikkikka.

Inatsisartut Ombudsmandiat pillugu Inatsisartut inatsisaanni nr. 7-imi, 1. juni 2017-imeersumi § 14, imm. 1 innersuussutigaara, tassuunalu aalajangersaneqarpoq naammagittaalliuut misissuinermik aallartitsinermut pissutigissalugu naammannersoq Ombudsmandip aalajangissagaa.

1.3. Oqaaseqaatiga imatut tulleriinnilerneqarpoq:

- Immikkoortoq 2: Suliaq pillugu naatsumik oqaatigisassat
- Immikkoortoq 3: Naalakkersuisoqarfiup KNR-imut e-mailia
- Immikkoortoq 4: Oceans North Greenlandip videoliaa pilerisaarinermillu oqartarneq
- Immikkoortoq 5: Inatsiseqartitsinikkut tunngavigisaq
- Immikkoortoq 6: Naalakkersuisoqarfiup isumaa
- Immikkoortoq 7: Uanga naliliinera

Danmarkimi atuakkiaasimasut Folketingillu Ombudsmandiata periaasia oqaaseqaatinni arlalitsigut aallaavigisarpakka, Kalaallimmi Nunaanni inatsiseqartitsinikkut tunngaviup Danmarkimi inatsiseqartitsinikkut tunngavik pingaarenusutigut assigimmagu, innersuussutitut taaneqartunit ersetutut.

Oqaatigaara suliap ingerlasimanerata allaaserineqarnera oqaaseqaammut tulliummat.

2. Suliaq pillugu naatsumik oqaatigisassat

Oceans North Greenlandip videoliaata "Aalisarnerup siunissaanik qulakkeerrinninneq: Qalerallit inuaqtigiiinnut kalaallinut pingaarutaat" KNR-ip innuttaasunut paassisutissiiviani aallakaatinneqarnissaa Oceans North Greenlandip KNR-imut 18. december 2020-mi isumaqtigiissutigaa.

KNR-ip Oceans North Greenland e-mailikkut 19. februar 2021-meersukkut nalunaarfigaa Oceans North Greenlandip videoliaa KNR-ip innuttaasunut paasissutissiiviani aallakaatinneqarsinnaajunaartoq, videommi pilerisaarutit pilugit nalunaarummi § 17, imm. 2 unioqqutimmagu.

KNR-ip nalunaarutaa e-mailikkut nassiunneqarpoq, tassanilu video KNR-ip innuttaasunut paasissutissiiviatigut aallakaatinneqarpat tamatuma pilerisaarutit pillugit nalunaarummi § 17, imm. 2-mik unioqqutitsisuunissaanik Naalakkersuisoqarfiup naliliinnera KNR-ip innersuussutigalugulu issuarpaa.

Oceans North Greenlandip videoliaata KNR-ip innuttaasunut paasissutissiivianit peerneqarnissaanik aalajangiineq eqqartuussissuserisup Jonas Christoffersenip Oceans North Greenland sinnerlugu uannut 25. februar 2021-mi naammagittaalliuutigaa. Eqqartuussissuserisup Jonas Christoffersenip naamagittaalliumminut ikorfartuutitut ilaatigut oqaatigaa pilerisaarutit pillugit nalunaarummi § 17, imm. 2 radiu aamma tv pillugit inatsimmik tunngaveqanngitsoq.

Naalakkersuisoqarfik 9. marts 2021-mi qinnuigaara suliami allagaatit uannut nassiuteqqullugit kiisalu pilerisaarutinut nalunaarummi § 17, imm. 2 radio aamma tv pillugit inatsimmi suna tunnavigalugu Naalakkersuisoqarfiup aalajangersarsimaneraa nassuaqqullugu.

Naalakkersuisoqarfiup suliami allagaatit suliarlu pillugu oqaaseqaat uannut 19. marts 2021-mi nassiuppai. Naalakkersuisoqarfiup oqaatigaa pilerisaarutit pillugit nalunaarutip inatsisitigut tunnavigisai tassaasut radiokkut tv-kkullu aallakaatisisarneq pillugu Inatsisartut peqqussutaanni nr. 6-imi, 14. november 2004-meersumi aalajangersakkat arlallit.

3. Naalakkersuisoqarfiup KNR-imut e-mailia

E-maili Oceans North Greenlandip videoliaanut tunngasoq KNR-ip Naalakkersuisoqarfimmut 18. februar 2021-mi nassiuppaa. KNR e-mailimi ilaatigut imatut allappoq:

"[...]

Apeqquissara tassaavoq politikkimut attuumassuteqarnersoq, taamaattumillu KNR tv aqqutigalugu aallakaatinneqartariaqarani imaluunniit aallakaatinneqarsinnanerminut assuarnaannera naammannersoq?" (Ombudsmandeqarfimmi nutsigaavooq)

KNR-ip apeqqutaa Naalakkersuisoqarfiup e-malilikku 19. februar 2021-meersukkut akivaa. Naalakkersisoqarfik ilaatigut imatut allappoq:

"Naalakkersuisoqarfiup linki nassiunneqartoq maanna misissoreerpaa, Namminersornerullutillu Oqartussat nalunaarutaanni nr. 8-mi, 5. juli 2006-imeersumi § 17, imm. 2-mik unioqqutitsineq pineqarnersoq, tassalu assersuutigalugu politikkimut tunngasutigut isummat (qinersineq pillugu aallakaatitat pineqanngippata, suliamilu matumani taamaattoqanngilaq) tv-kkut pilerisaarutigeqquaannginnerat pil-lugu apeqqut nalilerlugu.

[...]

Allatut oqaatigalugu ilanngutassiaq aalisarneq pillugu politikkimut aalajangersimasumut isummanik siuarsaataasunik ikorfartuisunillu imaqrpoq.

Taamaattumik ilanngutassiaq tv-kkut aallakaatinneqassappat tamanna inatsim-mik unioqqutitsinerussaaq. (Ombudsmandeqarfimmi nutsigaavooq)

KNR-ip Oceans North Greenland tamanna tunngavigalugu 19. februar 2021-mi nalunaarfigaa video KNR-ip innuttasunut paasissutissiisarfiani aallakaatin-neqarsinnaanngitsoq. Naalakkersuisoqarfiup e-mailia KNR-ip Oceans North Greenlandimut e-mailimini tamatumunnga atatillugu ilannguppa.

Taamaalilluni Oceans North Greenlandip videoliaata imarisaa inatsiseqartitsi-nikkuulluunniit tunngavigisaa Naalakkersuisoqarfiup saqqummiussaa KNR-ip nammineerluni isummerfiginngila. Naalakkersuisoqarfiup inatsiseqartitsi-nermik paasinninnera KNR-ip ingerlateqqillugu oqaatigiinnarpaa, videolu

KNR-ip innuttaasunut paasissutissiisarfianit tamanna tunngavigalugu peerlu-
gu.

Uanga paasinninna unaavoq Naalakkersuisoqarfiup e-mailia Oceans North Greenland eqqarsaatigalugu aalajangiinertut isigisariaqartoq, naak e-maili aalajangiinertut isikkoqanngikkaluartoq, Naalakkersuisoqarfiullu inatsiseqartitsinermik paasinninna una KNR-imut saqqummiunneqarsimagaluartoq.

Naalakkersuisoqarfiup e-mailiata inatsit tunngavigalugu ingerlatsinermi oqartussaasumit inatsiseqartitsineq atuuttoq tunngavigalugu pisortat aamma Oceans North Greenlandip akornanni inatsiseqartitsinermut tunngasoq pineqartoq pillugu suliffeqarfimmut sammititaasumik oqaaseqaateqarnissaminut pisinnaatitaasumeernera, suullu pisumi pineqartumi inatsiseqartitsinermi a-tuuttuuneranik illuinnaanit aalajangersaasuunera naliliininni pingaartillugit isigniarpakka.

Naalakkersuisoqarfiup KNR-imut nakkutilliinermi oqartussaasunera naliliininni aammattaaq pingaartillugu isigniarpara, tak. radio tv-lu pillugit inatsimi § 54, imm. 1. Aalajangersakkami tassani makku aalajangersarneqarput:

“§ 54. Naalakkersuisut nakkutigisaraat KNR-ip aamma radioqarfiit tv-qarfiillu al-
lat radiukkut tv-kkullu aallakaatitsinermut maleruagassanik eqquutsitsinersut. Inatsisartut inatsisaannik, Inatsisartut inatsisaat malillugu aalajangersakkanik a-
kuersissuteqarnernilu malitassanik unioqqutitsinerit Naalakkersuisunit upuarne-
qarsinnaapput.

*Imm. 2. Naalakkersuisut nakkutilliinermi atugassaminnik KNR aallakaatitsi-
sinnaanermullu akuersissummik pigisaqartoq piumasaqaateqarfigisinnaavaat i-
ngerlatsiviup ingerlatsineraut paasissutissanik tunniusseqqullugu.”*

Kiisalu KNR-ip pilersaarutip imarisaa pillugu Naalakkersuisoqarfiup aalaja-
ngiineranik malinninngikkuni pillaammik akiliisussanngortinneqarsinnaanera
pingaartillugu isigniarpara. Radio tv-lu pillugit inatsimmi § 55, imm. 1, nr. 5,
tak. § 50, imm. 1, nr. 2.:

“§ 55. Akiliisinneqarsinnaavoq:

[...]

5) § 50, nr. 1 aamma 2 malillugit aalajangikkanik sumiginnaasoq,"

"§ 50. Naalakkersuisut makkununnga aalajangiisassapput:

[...]

2) Radiokkut tv-kkullu pilerisaarutit imarisaat, tak. § 46. Maleruagassanik unioq-qutitsinerit Naalakkersuisunit uparuarneqarsinnaapput aammalu KNR imaluunniit aallakaatitsinissamut akuersisummik pigisaqartoq peqqusinnaallugu aalajangii-neq avammut saqqummiutissaga. Naalakkersuisut aalajangersinnaavaat taman-na qanoq iliorluni qanorlu isikkoqarluni saqqummiunneqassanersoq."

Niels Fengerip atuakkiaani "Forvaltningsret"-imi (2018-imeersumi) qupper-nerit 88 tulliilu aammattaaq innersuussutigaakka.

4. Oceans North Greenlandip videoliaa pilerisaarinermillu oqartarneq

Eqqartuussissuserisup Jonas Christoffersenip naammagittaalliumminut ikor-fartuutit ilaatigut oqaatigaa Oceans North Greenlandip videoliaa pilerisaarutitut pissuseqanngitsoq.

Naalakkersuisoqarfik allakkatigut 9. marts 2021-meersutigut qinnuigaara manna pillugu oqaaseqaateqaqqullugu, tassalu Naalakkersuisoqarfiup paa-sinninnera unaanersoq Oceans North Greenlandip videoliaa pilerisaarutaasoq kiisalu radio tv-lu pillugit inatsimmi § 44, imm. 1, nr. 2-mi pineqartunut i-laatinneqarsinnaasoq.

Radiomi tv-milu pilerisaarutit qanoq paasineqarnissaat imaattoq radio tv-lu pillugit inatsimmi § 44-kkut aalajangersarneqarpoq:

"§ 44. Radiomi tv-milu pilerisaarutit imatut paasineqassapput:

- 1) Nioqquissanut, kiffartuussinernut suliffeqarfiillu iluanaarniarnissamik siunertaqartut kaammattuutit nesorinninnerillu, aallakaatitassiamut akiliuteqartoqarsi-magaluarpalluunniit.
- 2) Aningaasarsiornikkut soqutigisaqaqtigiit pillugit ilisimatitsissutit isummanillu saqqummiussinerit, assersuutigalugu inuussutissarsiuteqartut kattuffii, sulisitsisut

kattuffii sulisartullu peqatigiiffii pillugit aammalu upperisarsiornikkut paassisutisiinerit politikkikkulluunniit isummiussat, peqatigiit taakkua isumaasa siuarsarniqnissaat kaammattutigineqarnissaallu siunertaralugit, aallakaatitassiamut aki-liuteqartoqarsimagaluarpalluunniit.

Imm. 2. Pilerisaarutit ilumut taamaattuunerat paasineqarsinnaasunngortinneqas-saaq, taamaalilluni imarisat saqqummiunneqariaasiallu aallakaatitanit nalingin-naasunit allaanerulluni.”

Naalakkersuisoqarfiup akissutaa 19. marts 2021-mi tiguara, Naalakkersuisoqarfillu tassani ilaatigut imatut allappoq:

“Pilerisaarut pineqarnersoq pillugu apeqqummut tunngatillugu tv-kkut ilanngutas-siami ilaatigut maannakkut aalisarnerni ajornartorsiutinik aaqqiiniarnerni ilisimasat aamma uumassusilerituut najukkanilu suleqataasut suleqatigineqarnerat tunngavigalugit pisassiissutaasunik malinnittalernissap tungaanut sulinerit ilanngun-neqartut takuneqarsinnaasoq oqaatigineqassaaq.

[...]

Pilerisaarineq pineqartoq tamanna tunngavigalugu radio aamma tv pillugit inatsimmi § 44, imm. 1, nr. 2 tunngavigalugu nalilerlerneqarpoq.”

Taamaalilluni Naalakkersuisoqarfiup paasinninera unaavoq Oceans North Greenlandip videoliaa pilerisaarutaasoq, tassungalu pilerisaarisarneq pillugu malittarisassat atuuttut. Tamanna misilinnagu uanga paasinninninnut tunngaviutippa.

Radio tv-lu pillugit aalajangiisartut radiomik TV-millu ingerlatsineq pillugu Inatsisartut peqqussutaata allanngortinera pillugu Inatsisartut peqqussuttaatigut nr. 3-kkut, 19. maj 2010-meersukkut atorunnaarsinneqarnerat tamumunnga atatillugu innersuussutigaara. Peqqussummi tassani § 1 pillugu oqaaseqaatinit ilaatigut makku erserput:

“Allannguutissatut siunnersuutip kingunerissavaa Inatsisartut peqqussutaanni atuuttumi allaqqasut tunngavigalugit Radio tv-lu pillugit aalajangiisartut suliaat aalajangiisinnaanerillu arlaqartut tassanngaanniit qitiusumik ingerlatsivimmum nuun-

neqarnissaat, tassa siunissami Naalakkersuisoqarfíup tamakkununngá akisussaa-sup suliassat tamakku tigussagai. Tamatumani naalakkersuisoqarfík pineqartoq tassaavoq Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfík.”

Peqqusummi §-imi tassani imm. 8 pillugu oqaaseqaatinit ilaatigut makku erserput:

“Aalajangersakkap kinguneraa radiokkut tv-kkullu ussassaarutinut aningaasaliis-suteqarnermullu tunngatillugu maalaarutit siunissami Naalakkersuisunut ingerlatinneqartalissammata, ingerlatitsiffissarlu tassaalluni Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfík, tassa siunnersuut aallaavigalugu maalaarutinik suliaqartussaq.”

Taamaattumik uanga paasinninna unaavoq Oceans North Greenlandip videoliaata pilerisaarutaaneranik Naalakkersuisoqarfíup naliliinera, tak. radio tv-lu pillugit inatsimmi § 44, imm. 1, nr. 2, misilinnagu tunngaviutinnejarsin-naasoq.

Folketingip Ombudsmandiata suliami FOB 1991.120-mi oqaaseqaataa tamatumunngá atatillugu innersuussutigaara, tassanilu Danmarkimi “Radio og TV-Reklamenævn”-ip ilanngutassiaq “Husk kondom når der er knald på” pilerisaarutitut ilanngutassiatut isigineqassasoq tunngaviutippaa. Oqaaseqaammit erseroq Danmarkimi “Radio og TV-Reklamenævn”-ip isiginninna Følketingsip Ombudsmandiata misilinnagu tunngaviutikkaa, tassami oqartussasut missingiussillutik naliliinerinik isornartorsiuineq Ombudsmandip pignaatitaanerisa avataanniimmatt.

Apeqqut taanna oqaaseqaammi matumani sammeqqissanngilara.

5. Inatsiseqartitsinikkut tunngavigisaq

5.1. Nalunaarutinik aalajangersaasarneq

5.1.1. Nalunaarutit tassaapput aqtsinermik ingerlatsinermi aalajangersakkat, innuttaasut ataatsimut malittarisassaannik aalajangersaasut.

Nalunaarutit ileqqusooq imaluunniit pissutsit aaqqissuussaanermut tunngasut tunngavigalugit qaqtigoortumik aalajangersarneqarsinnaapput, nalunaarutilli amerlanerpaartaat inatsimmik tunngaveqarluni aalajangersarneqartarput, tassami inatsisit amerlanersaat piginnaatitsissutitut aalajangersakkanik, inatsisiortunit aalajangersarneqartunik inatsisip oqaasertaanut tapiliussatut malittarisassanik oqartussaasut aalajangersaanissaannut periarfissiisunik imaqarmata.

Naalakkersuisut Namminersorlutik Oqartussani inatsisiilorneq pillugu tunaartarisassiaanni (2011-meersumi) nutarterlugu pingajussaanik naqiterneqartumi quppernerit 66 tullialu aamma quppernerit 77 tullialu innersuussutigaaka.

Justitsministereqarfuiup aqtsinermi allaffissornikkut maleduaqqusanik suliarinnitarneq pillugu ilitsersuusiaa nr. 153, 22. september 1987-imeersoq aammattaaq innersuussutigaara, tassanilu Danmarkimi nalunaarutinik aalajangersasarnermi tunaartarisassat sukumiisut oqaatigineqarlutik.

Nalunaarutinik aalajangersaasnermi ingerlatsiviup inatsisiortutut pissaanermik allamut isumagisassanngortitsisarnermi ataatsimut killissat inatsiseqartitsinermilu sakkortusisitsiartuaarluni tulleriinnilersuinermi tunngaviit inatsiseqartitsinermi malittarisassap malittarisassamut qulliunerusutut inissisimsumut assortuuttuusussaannginneranik nassataqartoq ataqqisussaavai.

Ataatsimut killissat taakkua saniatigut nalunaarutip imarisai pineqartut piginnaatitsisarneq pillugu aalajangersakkat nalunaarutinik pineqartunik aalajangersaasnermi tunuliaqutaasut aqqutigalugit inatsisikkut tunngavissaqassapput. Nalunaarut inatsimmi piginnaatitsissutinit annertunerusumik atuuffeqartoq inatsisikkut tunngavissamik amigaateqartarpooq, taamaattumillu tamakkiisumik ilaannakortumilluunniit atuussinnaassuseqartarani.

Jens Peter Christensenip, Jørgen Albæk Jensenip og Michael Hansen Jensenip atuakkiaanni "Dansk Statsret"-imi (2012-imeersumi), quppernerit 176 tullilu aamma Max Sørensenip atuakkiaani "Statsforfatningsret"-imi (1977-imeersumi), quppernerit 216 tullialu tamatumunnga atatillugu innersuussutigaaka.

5.2. Nalunaarutinik aalajangersaanissamut piginnaatitsissutit

5.2.1 Nalunaarutinik aalajangersaanissamut piginnaatitsissut pineqartoq qanoq annertutigisumik atuuffeqarnersoq oqaatigissallugu nalorninarsinnaasoq inatsiseqartitsinermi periaatsip takutippaa.

Højesteretsip eqqartuussutaani Ugeskrift for Retsvæsen 1941-mi quppernermi 1076-imi aamma Ugeskrift for Retsvæsen 1998-mi quppernermi 1639-mi issuarneqartut innersuussutigaakka.

Piginnaatitsinerup atuuffiata qanoq annertutigineranik paasiniaaneq inatsik-kut tunngavigisap qanoq paasineqarnissaanik nalinginnaasumik nassuaanermik tunngaveqarpoq. Malittarisassamik aalajangersimasumik nalunaarutik-kut aalajangersaanissamut piginnaatitsissutip inatsisikkut naammattumik tunngavissaqarneranik apeqqutip qanoq paasineqarnissamik nassuaanermi pingaarnertut isuma nalunaarutip aalajangersagartaani ataasiakkaaniippoq. Akuliunneq innuttaasoq eqqarsaatigalugu annertusiartortillugu malittirisassamik pineqartumik nalunaarutikkut aalajangersaanissamut piginnaatitsissut ersarinnerujartortinnejartussaavoq.

Nalunaarutit innuttaasunut inatsisikkut aalajangersarneqartunit annertuneru-sumik inatsiseqartitsinikkut nanertuisuusut inatsisikkut erseqqisumik qular-naatsumillu tunngavissaqarluni aatsaat aalajangersarneqarsinnaanerat aam-mattaaq atuuppoq. Taamaalilluni inatsisikkut piginnaatitsissummi erseqqil-luinnartumik takuneqarsinnaassaaq taassuma oqartussaasup nalunaarutinik suliassaqarfiiit aalajangersimasut iluanni aalajangersaanissaanut imaluunniit nalunaarutinik siunertat aalajangersimasut anguniarlugit aalajangersaanis-saanut periarfissiisoq.

Jens Peter Christensenip, Jørgen Aalbæk Jensenip aamma Michael Hansen Jensenip atuakkiaanni "Dansk Statsret"-imi (2012-imeersumi) quppernerit 176 tullilu aamma Peter Germerip atuakkiaani "Statsforvaltningsret"-imi tallimassaanik naqitertinnejartumi (2012-imeersumi) quppernerit 121 tuliallu tamatumunnga atatillugu innersuussutigaakka.

5.3. Pilerisaarutit pillugit nalunaarummi § 17, imm. 2

5.3.1. Pilerisaarutit pillugit nalunaarummi § 17, imm. 2 imaattunik oqaaser-taqarpoq:

"§ 17. Upperisarsiornermik suliaqartut, politikkikkut partiit, kattusseqatigiit, kat-tuffiit kisimiillutilu qinigassanngortittut pillugit pilerisaarutinik tv-mi aallakaatitsi-soqassanngilaq, taamaattorli tak. imm. 3.

Imm. 2. Tv-mi reklaminut ilanngunneqartassanngillat upperisarsiornermut pol-itikkimullu tunngasutigut isummat, taamaattorli tak. imm. 3.

Imm. 3. Imm. 1-imi aamma imm. 2-mi aalajangersagaq qinersinerit pillugit aalla-kaatitanik taagorneqartunik, tassa qinersineq pillugu aallakaatitaq ilanngussanik politikkikkut partiimit aallakaatitassiarineqarsimasunik akilerneqartunillu imaqr-pat, aallakaatitsinissamut akornutaanngilaq."

Radio aamma tv pillugit inatsimmi § 47 Naalakkersuisut piginnaatinneqar-nerat pillugu imaattunik aalajangersaavoq:

"§ 47. Pilerisaarutit aallakaatitassiornermi qanoq ittumik ilanngunneqartarnissaat Naalakkersuisut malittarisassiuussinnaavaat, matumanilanganngullugit pilerisaarutit suunerannik uppermarsaanermut, inissisimanerannut, oqaasiinut imarisaannullu aammalu qanoq annertussuseqarnissaannut maleruagassat. Tamatumunnga ata-tillugu pilerisaarutit meeqqanut sammitinneqartut inissinneqarnissaannut aamma nioqqutissanik meeqqanut tunngasunik pilerisaarutinut Naalakkersuisut malittari-sassiuussisinnapput."

Radio aamma tv pillugit inatsimmi § 47 pillugu oqaaseqaatit imaattunik oqaa-sertaqarput:

"Aalajangersagaq Inatsisartut peqqussutaata atuuttup § 53-iata ingerlateeqin-neraa, tassanilu Naalakkersuisut pisinnaatinneqarput pilerisaarutit pillugit nalu-naarusiakkoortumik maleruagassiornissaminut.

Aalajangersakkap Naalakkersuisut periarfissippai pilerisaarutit pillugit erseqqin-nerusunik maleruagassiorsinnaanerannut. Erseqqissarneqarportaaq pilerisaarutit suunerinik uppernarsaanermut, inissinneqarfissaannut, oqaasiinut imarisaannullu tunngasutigut maleruagassiortoqarsinnaasoq, kiisalu Naalakkersuisut pilerisaaru-tinut meeqyanut tunngasunut aamma maleruagassiorsinnaasut. Assersuutitut taanna innersuussutigalugu maleruagassiortoqarsinnaavoq "katitikkat"-tut ittut pilerisaarutinik imaqarsinnaasut aallakaatitsinermi ilanngunneqarsinnaasunik.

Inatsisartut peqqussutaanni maannamut atuuttumi pisinnaatitsissut taassuma as-singa atorneqarnikuuvooq radiomi tv-milu pilerisaarutit aningaasalersuinerillu pil-lugit Namminersornerullutik Oqartussat Nalunaarutaanni nr. 8-mi, 5. juli 2006-i-meersumi."

Tamatuma saniatigut pilerisaarutit inerteqqutigineqarnerat radio aamma tv pillugit inatsimmi § 46-mi imatut aalajangersarneqarpoq:

"§ 46. Nakorsaatit, tupat, immiaaqqaat, viinnit imigassallu kimittuut pilerisaaruti-nut ilanngunneqaqqusaanngillat, taamaattorli tak. imm. 3.

Imm. 2. Taamattaaq upperisarsioqatigiit aamma politikkikkut partiit, kattusseqa-tigiit kisimiillutillu qinigassanngortittut taakkuluunniit suleqatigiiffii tv-kkut pileri-saarutinut ilanngunneqaqqusaanngillat, taamaattorli tak. imm. 3.

Imm. 3. Naalakkersuisut imm. 1-imi 2-milu inerteqqutit avaqqunneqarsinnaaneri pillugit maleruagassiorsinnaapput.

Radio tv-lu pillugit inatsimmi § 46, imm. 2 pillugu oqaaseqaatit imaapput:

"[...]

Imm. 2-mut. Aalajangersakkami erseqqissarneqarpoq politikkikkut partiit, kattus-seqatigiit, kisimiillutik qinigassanngortittut taakkulu suleqatigiiffii aamma tv-kkut pilerisaarutigineqassanngitsut. Aalajangersakkamut tunngavigineqarpoq tv-p sun-niuteqartorujussuunera."

Pilerisaarutit pillugit nalunaarummi § 17, imm. 2 ilaatigut radio aamma tv pil-lugit inatsimmi § 47, radiokkut tv-kkullu aallakaatitsisarneq pillugu Inatsi-sartut peqqussutaanni nr. 6-imi, 14. november 2004-meersumi taamani a-tuuttumi § 53-ip allannortinnagu ingerlateqqinnejarnera tunngavigalugu aalajangersarneqarpoq.

6. Naalakkersuisoqarfiup isumaa

6.1. Naalakkersuisoqarfiup uannut oqaaseqaammini 19. marts 2021-meersu-mi ilaatigut makku oqaatigai:

"Ombudsmandip pilerisaarutit pillugit nalunaarummi § 17, imm. 2-mut tunngatil-lugu inatsisitigut tunngavigisaq pillugu apeqqutaanut tunngatillugu pilerisaarineq pillugu nalunaarummi radiokkut tv-kkullu aallakaatitsisarneq pillugit Inatsisartut peqqussutaanni nr. 6, 14. novembari 2004-meersumi aalajangersakkanik arlan-nik inatsisitigut tunngavissaqartoq oqaatigineqassaaq (§ 52, imm. 3, § 53, § 54, imm. 8, § 55, 56, imm. 3 aamma § 59, imm. 2).

[...]

Tamatumunnga ilassutitut radiokkut tv-kkullu aallakaatitsisarneq pillugu Inatsi-sartut peqqussutaanni nr. 6, 14. novembari 2004-meersumi § 53-imi ilaatigut pi-lerisaarutit imarisaat pillugit malittarisassat Naalakkersuisut aalajangersarsinnaa-gaat ersarissumik allassimavoq, tamatumanilu aalajangersakkat oqaasertai aal-laavigalugit pilerisaarutit imarisaat pillugit ilassutitut malittarisassanik allaffisor-nikkut aalajangersaasoqarsinnaalerpoq, tassunga ilanngullugit assersuutigalugu aalajangersimasumik aallakaatitsisarnermi (TV) imarisat aalajangersimasut asser-suutigalugu pilerisaarinerit inerteqqutigineqarsinnaallutik. Tamanna paasinnittaat-simit "pilerisaarutit imaannik" nalinginnaasumik nassuaanermi aamma aalaja-nersaaneq politikki pillugu isummertarnermut tunngasumik pilerisaarinermut tunngasinnaavoq.

Aammattaq Naalakkersuisut ilaatigut pilerisaarutit imarisaat pillugit malittarisas-sanik aalajangersaasinnaatitaanerat pillugit Inatsisartut inatsisaanni atuuttumi § 47-mik nassuaammi manna tikillugu Inatsisartut peqqussutigisaanni taamatut assingusumik pisinnaatitaaneq radiomi tv-milu pilerisaarutinik aallakaatitassianillu

aninaasalersuisarnerit pillugit Namminersornerullutik Oqartussat nalunaarutaannik nr. 8, 5. juli 2006-imeersumik saqqummiussinermi atorneqarsimavoq.”

7. Uanga naliliinera

7.1. Uanga paasinninera unaavoq radio tv-lu pillugit inatsimmi § 47-p nalinginnaasumik qanoq paasinninnissamik nassuaatitaa paasinninnermik i-maattumik nassataqartariaqartoq, tassalu piginnaatitsissutitut aalajangersagaq pineqartoq pilerisaarutit pillugit nalunaarummi § 17, imm. 2-mi ertutut isummanik politikkimut tunngasunik saqqummiussat inerteqquiginissaannik aalajangersaanissamut periarfissiinngitsoq.

Immikkoortumi 3.1.1-imi oqaatigineqartutut politikikkut partiit pilerisaarutigineqarnissaannik inerteqqu radio tv-lu pillugit inatsimmi § 46, imm. 2-kkut aalajangersarneqarpoq.

Radio tv-lu pillugit inatsimmi § 46, imm. 2 politikikkut isummat pillugit pile-riasaarutinik inerteqummik politikkikkut partiit, kattusseqatigiit kisimiillutillu qinigassanngortittut taakkuluunniit suleqatigiiffii pillugit pilerisaarutitut nas-suiarneqartumik aalajangersaavoq.

Uanga paasinninera unaavoq inatsisiliortup radio aamma tv pillugit inatsimmi § 47-mi piginnaatitsinermigut “politikkikkut” pilerisaarinernik aqtsinermi allaffissornikkut annertunerusumik killilersuinissamik siunertaqarnissaanut inatsimmi tunngavissaqanngitsoq. Taamatut paasinninneq inatsit pil-lugu oqaaseqaatini aammattaaq tunngavissaqanngilaq.

Tassani aamma ilaavoq radio aamma tv pillugit inatsimmi § 47-p, radio aamma tv pillugit inatsimmi § 46-p paarlattuanik, inerteqqutitut aalajangersagaannginera, taamatullu atorneqarnissaata inatsisiliortunit eqqarsaatigine-qarsimannnginera. Taamaalilluni radio aamma tv pillugit inatsimmi § 47 tas-saanngilaq oqariartuut aalajangersimasoq “saqqummiunneqassanersoq” aalajangersagaq, tassaallunili oqariartuutip “qanoq iliorluni” saqqummiunne-qassanera pillugu aalajangersagaq.

Uanga paasinninna era unaavoq Inatsisartut peqqussutaanni § 53-imi aala-jangersagaq taamani atuuttoq imaluunniit radio aamma tv pillugit inatsimmi massakkut atuuttumi § 47 imarisatik malillugit imatut paasineqarsinnaanngitsut nalunaarutip politikkimut tunngasutigut isummanik pilerisaarutinik saqqummiussinissamut inerteqquitallip aalajangersarneqarnissaa inatsisi-liortunit Naalakkersuisunut piginnaatitsissutigineqarsimasoq.

7.2. Isumaqpunga politikkimut tunngasutigut isummanik saqqummiussinerup pilerisaarutigineqarnissaannik inerteqquqteqartoqassappat tamanna erseqqissumik qularnaatsumillu inatsisikkut tunngavissaqartariaqartoq.

Isumaqpunga radio aamma tv pillugit inatsimmi § 47-mi ataatsimut pigin-naatitsissutitut aalajangersagaq inatsisikkut tunngavissamik erseqqissumik qularnaatsumillu taamaattumik imaqaangitsoq.

Taamaattumik uanga paasinninna era unaavoq radio aamma tv pillugit inatsimmi § 46-mi aalajangersakkanit ertserput saniatigut inatsisiliortut politikkimut tunngasutigut isummanik saqqummiussinernik inerteqquqteqarnissamut periarfissanik Naalakkersuisut annikillisaanissaat piginnaatitsissutigismannngikkaat.

7.3. Naalakkersuisoqarfiup uannut oqaaseqaataanit 19. marts 2021-meersu- mit ertserpoq Naalakkersuisoqarfiup paasinninna era unaasoq radio aamma tv pillugit inatsimmi § 47-mi “pilerisaarutit imaannik” oqarnerup qanoq paasi-neqarnissaanik nalinginnaasumik nassuiarneqarnera imatut paasineqartaria-qartoq aalajangersaanermi tassani pilerisaarutit politikkikkut isummanut tunngasut pineqartunut ilaatinneqarsinnaasut.

Taanna pillugu oqaatigaara politikkikkut partiit, kattusseqatigiit, kisimiillutik qinigassanngortittut taakkulu suleqatigiiffiisa pilerisaarutigineqarnissaannut inerteqquq radio aamma tv pillugit inatsimmi § 46, imm. 2-meereersoq (tak. imm. 5.1 matuma siulianiittoq). Uanga paasinninna era unaavoq radio amma tv pillugit inatsimmi § 47-p politikkikkut isummat pilerisaarutiginissaannut

allatigut inerteqquteqarnissamut aqutsinermi allaffissornikkut aalajangersaa-nissamut piginnaatitsissutaaneranut tunngavissaqanngitsoq.

Taamaalillunga Naalakkersuisoqarfiup radio aamma tv pillugit inatsimmi § 47-mi aalajangersakkami piginnaatitsissutip qanoq annertutiginerata qanoq paasineqarnissaanik naliliinera isumaqatiginngilara.

7.4. Ataatsimut isiginnillunga paasinninnersa unaavoq radio aamma tv pillugit inatsit pilerisaarutit pillugit nalunaarummi § 17, imm. 2-p aalajangersarnis-saanut inatsisikkut tunngavissamik imaqanngitsoq.

Naalakkersuisoqarfik qinnuigaara oqaaseqaatiga Naalakkersuisoqarfiup qa-noq iliuuseqarnissaanut pissutissaqalersitsinersoq uannut nalunaarutigeq-qullugu.

Oqaaseqaat manna oqaaseqaammi pineqartut kikkuussusii ilisarnarunnaar-sillugit nittartakkanni tamanut saqqummiunneqarumaarpoq, 2021-milu ukiu-moortumik nalunaarutinni eqqaaneqarumaarluni.

SULIAP INGERLASIMANERATA ALLAASERINEQARNERA

Oceans North Greenlandip videoilaata "*Aalisarnerup siunissaanik qulakkeerin-ninneq: Qalerallit inuaqatigiinnut kalaallinut pingaarutaat*"-p KNR-ip Innuttaasunut paasissutissiiviani aallakaatinneqarnissa Oceans North Greenlandip 18. december 2020-mi KNR-mut isumaqatigiissutigaa.

KNR-ip e-maili una Ilinniartitaanermut, Kultureqarnermut Ilageeqarnermullu Naalakkersuisoqarfimmut (massakkut Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiusumut) 18. februar 2021-mi nassiuppa:

"Pilerisaarutilerisutta "isiginnaagassiaq paasissutissiissut" una Oceans North-meersoq TV-tsinni innuttaasunut paasissutissiissutitut maanna ikkuppa.

Taanna ullumikkut maluginialersimavara unitsikkallarlugulu, immikkoortoq OBS-ip ataanut inissinneqassanersoq ilimagivallaannginnakku. Tassami suliniaqatigiif-fimmit naalakkersuisutiguunngitsumit nassiussaavoq uagullu TV-mik aaqqissui-soqarfimmi taamatut isikkoqartillugu aallakaatinniarsimangilarput.

Sapaatit akunneranni kingullermi GME-mit pilerisaarutip tunuartinneqarneranut atatillugu soqtigisaqaqatigiiffinnit assigiinngitsunit "pilerisaarutinik" taamaattu-nik annikillissutaaniartussanik suliniutinik aallartitsivugut, ilimagaarpullu pilerisa-rutit taamaattut siunissami amerliartuinnavissasut.

Kisianni "pilerisaarut" matumani pineqartoq sapaatit akunneranni kingullermi suli-niuterput sioqqullugu nassiunneqarpoq, taamaalillatalu taanna oqaluuserinatigu. Aamma pilerisaarut imaluunniit paasissutissaq "piffissaq eqqorluunnarlugu" tak-kuppoq, maanna Aalisarneq pillugu ataatsimiititaliarsuup suliani aallartilluarutto-raa.

Politikkikkut oqariartuutit assigisaasalu assigiinngissutaat takujuminaalaarput, qa-lerallip aalisarfiit ilaanni tammarnera, aalisakkat milliartuinnarnerat pissutigalugit aalisarnermut imminut napatissinnaanngitsumut ingerlasugut tamannalu ki-ngaatta aalisagartassaarunnerannik kinguneqarsinnaasoq isiginnaagassiami o-qaatigineqarpoq, aammali oqaatigineqarluni pisassiissutinik il.il. aalajangersaane-

rit aalisarnermik inuussuteqartunik (aalisartunik) suleqatiginerisigut suliarineqartariaqartut.

Isiginnaagassiaq matuma kinguliani linkimiippoq aammalu Oceans Northip facebookimi quppernerani nassaarineqarsinnaalluni.

Apeqqutissara tassaavoq politikkimut attuumassuteqarpa, taamaattumillu KNR tv aqqtigalugu aallakaatinneqartariaqarani imaluunniit aallakaatinneqarsinnaanerminut assuarnaannera naammannersoq?" (Ombudsmandeqarfimmi nutsigaa-voq)

Ilinniartitaanermut, Kultureqarnermut Ilageeqarnermullu Naalakkersuisoqarfiup KNR e-mailikkut 19. februar 2021-meersukkut akivaa. E-mailimit tas-singga makku erserput:

"Naalakkersuisoqarfiup linki nassiunneqartoq maanna misissoreerpaa, Namminersornerullutilu Oqartussat nalunaarutaanni nr. 8-mi, 5. juli 2006-imeersumi § 17, imm. 2-mik unioqqutitsineq pineqarnersoq, tassalu assersuutigalugu politikkimut tunngasutigut isummat (qinersineq pillugu aallakaatitat pineqannngippata, suliamilu matumani taamaattoqanngilaq) tv-kkut pilerisaarutigeqquaannginнерат pillugu apeqqut nalilerlugu. Politikkikkut isummanut atatillugu pineqarput su-liassaqarfinni aalajangersimasuni, matumani naleqassutsinik agguataarinermut atatillugu inuaqatigiit qanoq aaqqissuunnissaat maleruagassiornissaallu pillugit isummat oqariartuutilu ilanggullugit eqqarsaatigalugit. Kingulliullugu taaneqartumi assersuutigalugu aalisarnermi pisassiissutit il.il. pillugit apeqqut aamma ilaa-sinnaavoq.

Pilerisaarummi matumani pineqartumi aalisarneq pillugu politikkimik siunissamut ungasissumut atuuttussamik piujuartitsinermillu tunngaveqartumik ingerlatsiso-qarnissaata pingaaruteqarnera isiginnaartartunut erseqqissaatigineqarpoq. Tamautuma peqatigisaanik aalisarneq pillugu politikkimi ingerlanneqartumi tunngavisat kingunerisassallu aalajangersimasut qitiutillugit aalisagaqassuseq pillugu apeqqut isummerfigeqquallugu isiginnaartartut toqqaannanngitsumik kaammattorneqarput.

Tamanna tunngavigalugu aalisarneq pillugu politikkimik piujuartitsinermik tunngaveqartumik ingerlatsinissap pingaaruteqarnera pillugu politikkikkut isummat

pillugit paasissutissanik nalunaarutinillu ingerlatitseqqinnej pineqartoq qularutisaanngilaq.

Allatut oqaatigalugu ilanngutassiaq aalisarneq pillugu politikkimut aalajangersimasumut isummanik siuarsataasunik ikorfartuisunillu imaqarpoq.

Taamaattumik ilanngutassiaq tv-kkut aallakaatinneqassappat tamanna inatsim-mik unioqqutitsinerussaaq.

Tassunga atatillugu siunissami sulianut atatillugu suliap suliarineqarnerani isummat siuliani taaneqartut ilanngullugit isigniarsinnaavasi, matumani pingaartumik pilerisaarut politikkimut tunngasutigut isummanik immikkut ittunik siuarsataasinnaasutut isigneqarsinnaanersoq pillugu apeqqummut pingaartillugu ilanngul-lugu eqqarsaatigalugu.

[...]" (Ombudsmandeqarfimmit nutsigaavoq)

KNR e-mailikkut 19. februar 2021-meersukkut Oceans North Greenlandip suleqatigisartagaanut nalunaarpoq Oceans North Greenlandip videoliaa KNR-ip innuttaasunut paasissutissiiviani aallakaatinneqarsinnaajunaartoq. E-mailimit makku erserput:

"Ajoraluartumik nalunaarfigisariaqarpakkit Oceans North Greenlandip pilerisaaruttit filmiliaa KNR-ip innuttaasunut paasissutissiisarfiatigut aallakaateqqusaajun-naarmat.

Naalakkersuisoqarfiup inatsisilerituuanit imatut paasitinneqarpunga:

"Naalakkersuisoqarfiup linki nassiunneqartoq maanna misissoreerpa, Namminersornerullutillo Oqartussat nalunaarutaanni nr. 8-mi, 5. juli 2006-imeersumi § 17, imm. 2-mik unioqqutitsineq pineqarnersoq, tassalu assersuutigalugu politikkimut tunngasutigut isummat (qinersineq pillugu aallakaatitat pineqangippata, suliamilu matumani taamaattoqanngilaq) tv-kkut pilerisaarutigeqqua-saanninnerat pillugu apeqqut nalilerlugu. Politikkimut tunngasutigut isummat imatut paasineqarput taakku tassaasut inuiaqatigiit suliassaqarfinni aalajangersimasuni, matumani nalilinnik agguataarinerit ilanngullugit eqqarsaatigalugit, qanoq ilusilersuisoqartussaanera pillugu isummat, isummernerit oqaaseqaa-

tillu. Taaneqartumi kingullermi ass. aalisagartassiissutit il.il. pillugit apeqqut aamma pineqartunut ilaatinneqarsinnaavoq.

Pilerisaarummi pineqartumi aalisarnermi siunissaq ungasinnerusoq eqqarsaa-tigalugu nungusaataanngitsumik politikkeqarnissap pisariaqarnera isiginnaar-tunut malugeqqullugu oqaatigineqarpoq. Isiginnaartut tamatumunnga peqatigi-tillugu toqqaannanngikkaluamik kaammattorneqarput aalisagaqassuseq pillugu apeqqut isummerfigeqqullugu, aalisarnermi politikkerineqartumi immikkoortut aalajangersimasut poltikkerineqartullu kingunerisassai qitiutillugit.

Tamanna tunngavigalugu qularutigineqarsinnaanngilaq pineqartoq tassaasoq aalisarnermi nungusaataanngitsumik politikkeqarnerup pingaaruteqassusia pil-lugu politikkikkut isummat pillugit paasissutissanik isummernernillu ingerlatit-seqqinneq.

Allatut oqaatigalugu ilanngutassiaq aalisarneq pillugu politikkimut aalajanger-simasumut isummanik siuarsaataasunik ikorfartuisunillu imaqarpoq.

Taamaattumik ilanngutassiaq tv-kkut aallakaatinneqassappat tamanna inat-simmik unioqqutitsinerussaaq.”

Inuit suleqatigisatit ilisimatilaarigit suliamillu nassuaallugit.” (Ombudsmandeqarfimmi nutsigaavooq)

Eqqartuussissuserisoq Jonas Christoffersen e-mailikkut 25. februar 2021-meersukkut Oceans North Greenland sinnerlugu uannut naammagittaallior-poq. Naammagittaalliummit ilaatigut makku erserput:

“Oceans North Greenlandip isiginnaagassiaata naatsup “Aalisarnerup siunissaanik qulakkeerinninneq: Qalerallit inuaqatigiinnut kalaallinut pingaarutaat”-p aallakaatiinneqannginnissaanik KNR-ip 19. februar 2021-mi aalajangigaa aamma isigin-naagassiap naatsup aallakaatiinnarneratigut tamatuma inatsimmik unioqqutitsineruneranik KNR-ip upuarneqarnissaanik Naalakkersuisut aalajangiinerat ullerneqanngitsoq Oceans North Greenlandimut eqqartuussissuserisutut matumuuna naammagittaalliuutigaakka.

[...]

Oceans North Greenlandimit siullertut erseqqissaatigineqarpoq radio tv-lu pillugit nalunaarummi 5. juli 2006-imeersumi § 17, imm. 2 radiokkut tv-kkullu aallakaatitsisarneq pillugu Inatsisartut inatsisaanni nr. 7-imi, 8. juni 2014-imeersumi § 46-mik aalajangersakkaniq imaattunik imaqtumik tunngaveqanngimmat:

"Nakorsaatit, tupat, immiaaqqat, viinnit imigassallu kimittuut pilerisaarutinut ilanngunneqaqusaanngillat, taamaattorli tak. imm.3.

Imm. 2. Taamattaaq upperisarsioqatigiit aamma politikkikkut partiit, kattusse-qatigiit kisimiillutillu qinigassanngortittut taakkuluunniit suleqatigiiffii tv-kkut pilerisaarutinut ilanngunneqaqusaanngillat, taamaattorli tak. imm. 3.

Imm. 3. Naalakkersuisut imm. 1-imi 2-milu inerteqqutit avaqqunneqarsinnaanerri pillugit maleruagassiorsinnaapput."

Taamaalluni politikkimut tunngasutigut isummanik pilerisaaruteqarnissamut inerteqquteqanngilaq, taamaattumillu politikkimut tunngasutigut isummanik pilerisaaruteqarnissamut inerteqquteqarneq pillugu malittarisassanik radio tv-lu pillugit nalunaarummi § 17, imm. 2-mi Naalakkersuisut aalajangersaasinnaanngillat.

Soorunami assersuutigalugu politikkikkut partiit qinigassanngortittulluunniit ataa-siakkat pilerisaarisinnaanerannut inerteqquteqarnerup nassatarissavaa partiit qinigassanngortittulluunniit politikkimut tunngasutigut isummaminik pilerisaarisin-naanerat killeqassammat, imaangilarli politikkimut tunngasutigut isummanik pilerisaaruteqarsinnaanermut nalinginnaasumik inerteqqummik atuuttoqartoq imaliunniit aalajangersaasoqarsinnaasoq. Radiokkut tv-kkullu aallakaatitsisarneq pillugu Inatsisartut inatsisaanni nr. 7-imi, 8. juni 2004-meersumi § 52, imm. 3 politikkimut tunngasutigut isummanik pilerisaaruteqarsinnaanermut inerteqqutinik imaqqanngitsoq tunngavigalugu radio tv-lu pillugit nalunaarummi § 17, imm. 2 taamani atuuttussanngortinneqarmat tamanna aamma atuutinngilaq.

Naalakkersuisut Ilanniartitaanermut, Kultureqarnermut Ilageeqarnermullu Naalakkersuisoqarfik aqqutigalugu Inatsisartut inatsisaanni § 54 malillugu radiokkut tv-kkullu aallakaatitsisarneq pillugu malittarisassanik ilaatigut KNR malinninnersoq nakkutilliivigaat, Naalakkersuisullu nakkutilliinermik ingerlatsinermik taassuma ilaatut inatsimmik unioqqutitsinernut uparuasinnaallutik. Politikkimut tunngasutigut isummanut pilerisaarutinik takutitsineq inatsimmik unioqqutitsinerungimmat, KNR-ip Innuttaasunut paassisutissiisarnerata ilaatut Oceans North Green-

landip isiginnaagassiaa naatsoq suli takutinneqartarpal tamatuma inatsimmik unioqqutitsinerunera pillugu KNR Naalakkersuisunit uparuuarneqarsinnaanngilaq." (Ombudsmandeqarfimmi nutsigaavoq)

Ilinniartitaanermut, Kultureqarnermut Ilageeqarnermullu Naalakkersuisoqarfik allakkatigut 9. marts 2021-meersutigut qinnuigaara suliami allagaatit apeqqutillu uku marluk pillugit nassuaat uannut nassiusseqqullugit:

- "1) Naalakkersuisoqarfipiup paasinninna unaanersoq Oceans North Greenlandip videoliaa pilerisaarutaasoq.
- 2) Radio aamma tv pillugit inatsimmi tunngavissaq sorleq tunngavigalugu pile-risaaruteqartarnermut nalunaarummi § 17, imm. 2 Naalakkersuisoqarfimmit aalajangersarneqarsimanersoq."

Ilinniartitaanermut, Kultureqarnermut Ilageeqarnermullu Naalakkersuisoqarfipiup allakkatigut 19. marts 2021-meersutigut ilaatigut imatut akivaanga:

"Pilerisaarut pineqarnersoq pillugu apeqqummut tunngatillugu tv-kkut ilanngutasi ami ilaatigut maannakkut aalisarnerni ajornartorsiutinik aaqqiiniarnerni ilisimasat aamma uumassusilerituut najukkanilu suleqataasut suleqatigineqarnerat tunngavigalugit pisassiissutaasunik malinnittalernissap tungaanut sulinerit ilannguneqartut takuneqarsinnaasoq oqaatigineqassaaq. Taamatuttaaq akuersissutinik pisasseeriaatsinillu killilinnik eqaatsunilli atuinissat naleqquttuunerat aamma inatsisit aqtsinerlu siunissaq ungasinnerusoq piujuartitsinermilu tunngavillit qitiutlerlugit allannguinissat illersorneqarput. Tunngaviit oqaatigineqartut tv-kkut ilanngutassiamik sivisuumik iluatsitsinissamut najoqqutassatut oqaatigineqarput, ta- matuman siunissami ungasinnerusumi anguniagassat ilanngunneqarnissaat pi-ngaartinneqarlutik. Naggataatigut Kalaallit Nunaanni nungusaataanngitsumik aali- sarnerit tapersersoqqullugit kajumissaarut aamma annoncelisoq sukkut malin- naaffigineqarsinnaanersoq pillugu innersuussutit saqqummiunneqarput. Allatut oqaatigalugu aalisarneq pillugu aalajangersimasumik politikkimik atuuttussan- ngortitsinermi iluaqutinik pilerisaarinertut ittunik isummanik aalajangersimasunik nalunaarutiginninnerusoq pineqartoq qularutissaanngilaq. Pilerisaarineq pineqar- toq tamanna tunngavigalugu radio aamma tv pillugit inatsimmi § 44, imm. 1 aamma 2 tunngavigalugu nalilerlerneqarpoq. Allatut oqaatigalugu ilanngutassiaq

aalisarneq pillugu politikkimik aalajangersimasumik atuuttussangortitsinissamik siuarsaneq pilerisaarinerlu pillugit taamaallaat nalunaarutiginninneruvoq.

[...]

Ombudsmandip pilerisaarutit pillugit nalunaarummi § 17, imm. 2-mut tunngatil-lugu inatsisikkut tunngavissaq pillugu apeqqutaanut tunngatillugu pilerisaarineq pillugu nalunaarummi radiokkut tv-kkullu aallakaatitsisarnerit pillugit Inatsisartut peqqussutaanni nr. 6, 14. novembari 2004-meersumi aalajangersakkanik arlain-nik inatsisitigut tunngavissaqartoq oqaatigineqassaaq (§ 52, imm. 3, § 53, § 54, imm. 8, § 55, 56, imm. 3 aamma § 59, imm. 2).

[...]

Tamatumunnga ilassutitut Radiokkut tv-kkullu aallakaatitsisarneq pillugu Inatsi-sartut peqqussutaanni nr. 6-imi, 14. november 2004-meersumi § 53-imi ilaatigut pilerisaarutit imarisaat pillugit malittarisassat Naalakkersuisut aalajangersarsin-naagaat ersarissumik allassimavoq, tamatumanilu aalajangersakkap oqaasertai aallaavigalugit pilerisaarutit imarisaat pillugit ilassutitut malittarisassanik allaffis-sornikkut aalajangersaasoqarsinnaalerpoq, tassunga ilanggullugit assersuutigalu-gu aalajangersimasumik aallakaatitsisarnermi (TV) imarisat aalajangersimasut assersuutigalugu pilerisaarinerit inerteqqutigineqarsinnaallutik. Tamanna paasin-nittaatsimit "pilerisaarutit imaannik" nalinginnaasumik nassuaanermi aamma aa-lajangersaneq politikki pillugu isummertarnermut tunngasumik pilerisaarinermut tunngasinnaavoq.

Aammattaaq Naalakkersuisut ilaatigut pilerisaarutit imarisaat pillugit malittarisas-sanik aalajangersaasinnaatitaanerat pillugit Inatsisartut inatsisaanni atuuttumi § 47-mik nassuaammi manna tikillugu Inatsisartut peqqussutigisaanni taamatut assingusumik piginnaatitsineq radiomi tv-milu pilerisaarutit aallakaatitassianillu aningaasalersuisarnerit pillugit Namminersornerullutik Oqartussat nalunaarutaan-nik nr. 8-mik, 5. juli 2006-imeersumik aalajangersaanermi atorneqarsimavoq."

Naalakkersuisoqarfiup allagaasa assilinerat suliami allagaatinut ilangunne-qarsimavoq.

Ilinniartitaanermut, Kultureqarnermut Ilageeqarnermullu Naalakkersuisoqarfíup oqaaseqaataa eqqartuussissuserisumut Jonas Christoffersenimut 13. april 2021-mi nassiuppara, taamaalilluni Oceans North Greenland Naalakkersuisoqarfíup suliaq pillugu isumaanik isummerfiginninnissaanut periarfis-sillugu.

Eqqartuussissuserisup Jonas Christoffersenip e-mailikkut 22. april 2021-meersukkut akivaanga:

"Ombudsmandimut
Allakkat 13. april 2021-meersut innersuussutigalugit paasissutissiissutigisinnaavara oqaaseqaatissara ataasiinnaasoq.

Nalunaarutip inatsimmik tunngaveqanngitsup ukiuni arlalinni malugineqarnani attutup inatsisikkut tunngavissamik ajornartorsiuteqarneq aaqqissinnaangilaa."
(Ombudsmandeqarfimmi nutsigaavoq)